

Sondader AFQ

Sondadra AFQ

Planung, Hochbau, Tiefbau

Durada

3 onns

Terminaziun

Eidgenössisches
Fähigkeitszeugnis EFZ

Indicaziuns davart il salari

1. onn d'emprendissadi: CHF
800–1200.–

2. onn d'emprendissadi: CHF
1300–2000.–

3. onn d'emprendissadi: CHF
1800–2750.–

Sco sondadra u sondader preparas ti il sulom, per ch'el saja segir e stabil per construir edifizis u vias. Ti fas sondagis ed analyseschas il terren. Ti segireschas ils fossals cun pitgas, pumpas giu aua e rinforzas il sutterren cun cement u atschal.

Incumbensas

Preparar lavurs

- leger e chapir ils plans d'inschigneras ed inschigners
- preparar il material e las maschinas, transportar al plazzal e deponer tut là
- installar ils instruments, ils apparats ed ils taraders
- signalisar l'access al plazzal, construir barrieras da segirezza e saivs, montar signals ed illuminaziun
- stajar la parcella tenor ils plans

Realisar lavurs da fundament

- allontanar terren, p.ex. chavar cun palas, exchavatur ed autras maschinas
- segirar il fossal, p.ex. bloccar foss, metter pitgas, isolar las paraids e pumpar giu l'aua sutterrana
- analisar il terren e dar vinavant infurmaziuns davart la cumposiziun dal sutterren ad inschigneras da construcziun, p.ex. davart las differentas stresas da crappa
- consolidar il terren, injectar maschaidas da cement, emplenir foras, montar fortificaziuns d'atschal e segirar spundas cun ancras da grip

Terminar las lavurs

- metter en urden la piazza da lavur e dismetter ils ruments en moda ecologica

- scriver rapports da lavur
- applitgar las prescripziuns da segirezza e d'ambient
- tgirar e reparar maschinas ed utensils

Ambient da lavur

Sco sondadra u sondader lavuras ti sin plazzals da construcziun auta e bassa, al liber e da tutt'aura. Ti es savens en gir, perquai che ti survegns incumbensas da lavur en l'entira Svizra. Ti portas in equipament da protecziun cun chapellina, guants e chalzers rinforzads. Ils temps da lavur dependan da la stagiun, la stad datti per regla dapli lavur che durant l'enviern.

Ti lavuras en interpresas da la construcziun bassa speziala. Il martgà da lavur è bun. Suentar intgins onns experientscha professiunala e cun la furmaziun supplementara correspondententa pos ti surpigliar posiziuns directivas, p.ex. sco manadra da team u sco polier constructur da vias.

Pretensiuns e interess

Pretensiuns

- Resistenza corporala
- Inschign manual
- Resistenza a la temperatura u a l'aura
- Abilitad da lavurar en in team
- Chapientscha tecnica
- Imaginaziun tridimensiunala
- Gronda toleranza da canera
- Prontezza d'esser savens sin viadi

Interess

- Lavurar en il liber
- Lavurar cun maschinas
- Esser corporalmain activ
- Esser savens sin viadi

Scolaziun

Manaschis

Furmaziun pratica en ina interpresa da la construcziun bassa speziala

Scola

Curs da bloc dad 11 emnas per onn en la Scola professiunala spezialisada per la construcziun da vias da traffic a Sursee (LU)

Curs odaifer il manaschi

Scola professiunala spezialisada (SPS) per la construcziun da vias da traffic a Sursee (LU): 35 dis durant 3 onns

Durada

3 onns

Cundiziuns d'admissiun

Terminà la scola obligatorica

Maturitad professiunala

Sche las prestaziuns da scola èn fitg bunas, pon las emprendistas ed ils emprendists frequentar supplementarmain la scola da maturitad professiunala.

Titel da finiziun

Sondader / Sondadra AFQ

Furmaziun cuntinuonta

Curs

Curs da l'associaziun **Infra Suisse** ↗

<https://infra-suisse.ch/bildung/kurse/>

e da la **Societad svizra dals impressaris constructurs** ↗

https://baumeister.swiss/bildung/weiterbildung-und-kurse/?_gl=1*r8nk3g*_up*MQ..*_ga*NjE2MTQ1NTk2LjE3Mjc2OTg1MTc.*_ga_ZS77FCKD02*MTcyNzY5ODUxNi4xLjEuMTcyNzY5ODUyMy4wLjAuMA..

(SSIC)

Emprendissadi supplementar

Sco sondadra u sondader AFQ pos ti per regla far in emprendissadi scursanì da montadra u montader da binaris AFQ, da tschentapalantschieus industrials e purtants AFQ, da salaschadra u salaschader AFQ ubain da constructura u constructur da vias AFQ.

Examen professiunal (EP)

- Maister sondader / Maistra sondadra EP

Examen professiunal superiur (EPS)

- Manader / Manadra da construcziun EPS
- Maister constructur / Maistra constructura EPS

Scola spezialisada superiura (SSS)

- Tecnicist / Tecnicista SSS surveglianza da construcziun
- Tecnicist / Tecnicista SSS planisaziun da construcziun

Scola auta spezialisada (SAS)

- Bachelor of science en inschigneria da construcziun

Tut tenor la scola auta spezialisada valan differentas cundiziuns d'admissiun.

Professiuns sumegliantas

Ulteriuras infurmaziuns

Swissdoc Nummer

TODO

Infra Suisse

<https://infra-suisse.ch/>

Branchenorganisation der im Infrastrukturbau tätigen Unternehmen

Schweizerischer Baumeisterverband (SBV)

<https://bauberufe.ch/>

Berufsfachschule Verkehrswegbau (BFS)

<https://www.verkehrswegbau.ch/de/index.php>

TODO

<https://www.becc.admin.ch/becc/public/bvz/beruf/show/51417?lang=de>